

vestri eque studiosos cognoscatis. Quod vero ad supradictam comprehensionem attinet, tantummodo nunc restat ut vestris quoque litteris ad nos missis vos in dicta amicitia et fœdere nobiscum comprehendi velle declaretis; et quod rectius id facere queatis, capitulum quo vos una cum aliis nostris amicis includimus et nominamus, fideliter exscriptum in his litteris ad vos mittimus. Eximium autem nostrum erga vos animum, tam in hac re quam in aliis omnibus, ex vestris apud nos oratoribus plenius vos intellecturos et si usus acciderit perspecturos, non dubitamus. Et feliciter valete.

Ex palatio nostro Gemiuci, die XXIII Junii 1515.

ANDREAS AMMONIUS.

*A tergo*: Illustrissimo et excellentissimo principi domino Leonardo Lauredano Dei gratia Duci Venetiarum etc., amico nostro carissimo.

*Capitulum excerptum ex tractatu pacis, amicitiae et fœderis inter serenissimos dominos Henricum octavum anglorum etc. ac Franciscum etc. gallorum reges, die V mensis Aprilis, anno Domini 1515, in civitate Londini solemniter concluso, in quo quidem capitulo dicti domini regis Henrici amici nominantur et comprehenduntur.*

Item, quod in presenti tractatu pacis et amicitiae, comprehendantur amici, confœderati et aligati utriusque partis subsequenter nominati, videlicet: ex parte regis Angliæ, Sanctissimus Dominus Noster Leo Decimus pontifex maximus, Ecclesia romana et Sancta Sedes Apostolica, Bononia ac omnia oppida, civitates castra, villæ et territoria ad patrimonium Sancti Petri et Sanctæ Romanæ Ecclesiæ spectantes et pertinentes; Sacrum imperium et illustrissimus princeps Carolus princeps Castellæ archidux Austriæ etc. ejusque heredes et successores, nec non illustrissima domina Margarita archiducisa Austriæ etc., ac omnia et singula ejus principis Castellæ dominia, ducatus, comitatus, civitates et oppida, villæ, territoria et alia quæcumque sub obedientia dicti principis existentia, ac omnes et singuli ejus subditi, incolæ et habitatores quicumque, salvis juribus superioritatis jurium judicio regis Daciæ; nec non Clevensis et Juliacensis et Venetorum duces, Dominia Venetorum et florentinorum; comunitas et societas anzæ teutonice; Antonius de Legaie et helvetiorum ligæ suetensis et reliqua.

*Ratificatio serenissimi regis Franciæ pacis 265 cum illustrissimo Dominio nostro et serenissimo Rege defuncto.*

Franciscus Dei gratia francorum rex, Mediolani dux et Januæ dominus, universis et singulis præsentibus litteras inspecturis salutem. Notum facimus, quod cum inter celebris memoriæ Ludovicum eadem Dei gratia francorum Regem socerum nostrum nuper defunctum et illustrem Ducem et Dominum Venetorum fuerit pax, amicitia, fœdus et perpetua aliantia inita, pro eis eorumque successoribus, modo et forma contentis in tractatu dicte pacis Blesis die XXIII mensis Marcii, anno Domini millesimo quingentesimo decimo tertio celebratæ inter deputatos dicti defuncti regis Ludovici et oratores, procuratores et nuntios speciales dictorum Venetorum et cum Dei clementia in regnum successerimus, sententiæque nostræ sit in ipsa pace, amicitia, fœdere et aliantia sincere perseverare, congruum arbitrati sumus his litteris nostris ad majorem et abundantiorum animi nostri expressionem declarare, Nos pacem, amicitiam, fœdus et perpetuam aliantiam predicta omniaque et singula in capitulis super ea celebratis contenta approbare et rata habere, sicque libere et ex certa nostra scientia animoque deliberato, omnibus melioribus modo, via, jure et forma quibus melius, validius et efficacius de jure possumus et debemus, cum interventu omnium et singulorum solemnitatum, quæ in huiusmodi actibus requiruntur, firmamus, approbamus et ratificamus, rata et grata firmaque habere volumus et intendimus, ac sincere observare et observari facere perpetuis temporibus in verbo regio et sub honore nostro pollicemur. In cujus rei testimonium, his præsentibus manu nostra fecimus apponi sigillum.

Data Ambrosiæ, die XXVII mensis Junii, anno Domini 1515 et regni nostri primo.

FRANCOIS.

*per regem* ROBERTET.

*Dil mese di Avosto 1515.*

264

*A di primo.* Introno do consieri di là da Canal: sier Marco da Molin e sier Francesco Bragadin; il terzo non intrò, che fu sier Bortolamio Contarini, ch'è capitano e provedador a Crema, al qual, per parte presa, li è stà risolvà la consejararia fin vengi.